



## Skooliba

Maan hin horttiba te sikjuvaa te drabavaa ta te sikjuvaa buut vaure saaki aro skoola.

Maan hin horttiba te džaa aro skoola uutan presiba.

Aro skoola maan mostula sikjuvel te hajuvaa ta daa patti varoŋlaaga komujenge.



## Dielosko liiben


Ka bare komuja phutravena saaki, leen mostuvena tenkaven, so hin koni fendide amenge kentenge.

Ka bare komuja phutravena mo saaki, leen mostuvena puŋŋen manna, so me tenkavaa.

Maan hin horttiba aro mo iego saaki ta horttiba te aaŋŋaa mo iego pes.

Maan hin horttiba te laa nau mo föddibosko paalal. Uutan nau me naa vojuvaa te laa dielos it maneeraha sar vaure kenti.

Maan hin horttiba te aaŋŋaa tši themmesko themmeskiiro.



## Sastiba

Maan hin horttiba te džiivaa.

Maan hin horttiba te laa ŋaaben, koola ta omsoroga.

Maan mostula te lel jelpiba, ka me naa tšiŋkas.

Maan hin horttiba te phersavaa ta te paŋuvaa.



## Siila

Maan hin horttiba te aaŋŋaa aro siila.

Maan hin horttiba te džiivaa mo phuridenna ta ho huupaha, om maan hin tšiŋko te aaŋŋaa lenna.

Na tšek na lela te kvinnavel maan elle skaadavel maan. Om maan kvinnavena elle skaadavena, bare komujen mostuvena te jelpaven maan.

Om me mostuvaa te naŋŋaa mo tšeeresko themmesko, mostuvena rikkavena omsoroga manna.



## Kentosko horttiba hin baro komunisko uuŋlavitikiba.

Hin daadesko, dako, vaure bare komujengo, themmesko tai iego phuuŋako tšeeriba te len omsoroga amengo kentengo horttibonna.

YK:sko Kentengo horttibongo sömsiba hin kentengo iego sömsiba, kai themme lovavena te tšeeren alti jakkes sar koni feddide kentenge.

Maan hin horttiba te pinsavaa mo horttibi. Niina saare bare komujen mostuvena te pinsaven dala kentengo horttibi.




Na saare bare komuja na följavena kentosko horttibi. Om maan hin ilako te aaŋŋaa elle maan rissuvena, me vojuvaa te rakkavaa dotta pinsardo baro komuniske. Me vojuvaa te rakkavaa mo phurnidenge, mo sikjiboskiireske elle skoolako sastibosko phenjake.

Tekstos botnuvela YK:sko kentengo horttibongo sömsiba. Sömsiba hin volla-vitiko dokumentos. Dauva stöjiba hin triin organisatiengo tšetano butti:



© UNICEF





# MO HORTTIBI

